

ANTONII DEUSINGII

*Med. ac Philos.*

EXAMEN ANATOMES

Anatomix Bilbianæ:

*Seu,*

EPISTOLA

DE CHYLI MOTU.

A D

*Excellentiss. Virum,*

D. Jo. CASPARUM FAUSIUM

Med. D. Archiatrum Palatinum,

ac Primarium in Academia

Heidelbergensi Medicinæ

Professorem.



G R O N I N G Æ.

Typis FRANCISCI BRONHORSTII.

Civit. Gron. Ord. Typ. Anno 1665.





*Nobilissimo & Excellentissimo*  
*Vro, Domino,*  
**D. J. CASPARO FAUSIO,**  
 &c.  
 Salutem  
**A. DEUSINGIUS.**

**G**ratias Tibi, Nobiliss.  
 & Excellentiss. Vir, quas-  
 cunque possum maxi-  
 mas ago, pro munere  
 illo literario transmissio, cum privatis  
 Tuis, (quas nunquam non gratas  
 optatasque accipio,) jucundissimis  
 & amicissimis, ante dies paucos ad  
 me delatis Gratissimum illud accidit  
 mihi, quod mitteretur ab Autore,  
 Eruditiss. simul ac humanissimo Viro,  
 magnique Parentis ac Reipublicæ  
 literariæ ornameto eximio, D. D.  
*Jac. Henr. Paulli*, in Acad. Hafniensi

Professore Regio, qui eo honore, ante triennium circiter, me fuit dignatus, ut cum Generoso atque eximiâ eruditione subactissimo Viro, D<sup>o</sup> Brostropio Gedde, Equite Norvago, Collegii metallici Præside, summoque fodinarum per totum Norvagiæ Regnum Præsecto, cum hâc transirent, humaniter me inviseret, ac prima amicitiae, pro singulari quâ tincta præcordia gerit, humanitate suâ, fundamenta jaceret: Gratissimum idem accidit mihi, quòd manum ipsammet Celeberrimi Autoris, ceu tesseram animi faventis & amici, ad me directam, in fronte gestaret; Gratissimum fuit, quòd manu tam grati tamque intimè mihi divincti Amici ad me curaretur: Gratissimum denique atque acceptissimum id meritò habui, quòd complecteretur materiâ nobilissimam, *Anatomia* sc. *Bilfianæ Anatomen*, &c. in qua tamen ipse hinc inde aliquem invenio scrupulum;

lum: ut fieri solet, ubi studium amicitie veritatis studium atque amorem sapientiæ admittit comitem. Id quidem Autoris Celeberrimi probat modestiam ac candorem, quod publicè improbet (in Epistola præmissa *Observationi Anatomice Laur. Bellini de Structura Renum*, p. 4.) institutum eorum, qui non duntaxat Veteres Philosophorum & Medicorum Antesignanos, sed addo Recentiores, nimis præcipitanter de ponte deturbare satagunt. Nec verò sine ratione censet Clariss. Vir, debere Juvenes, nondum satis Artium præceptis instructos, (addo & adultos, licet magis subactos, rerumque peritos,) excusare potius Viros præclaros, sive Veteres sive Recentiores, de Republica Literaria optimè meritos, vel etiamnum merentes, quàm fictæ imaginationis & falsitatis audacter magnos Viros insimulare. Id si meus *Sylvius*, æstivè duntaxat quoad Præcepta Philosophiæ

A 3

phiæ ac Medicinæ viaticatus, in juventute didicisset, non adeò turpiter ac probrosè impegisset, dum senescere jam cæpit, nec scuticam talem fuisset expertus, qualem meritò sensit. Interim dubito sanè, quo animo ille *Bellinus* Florentinus sit admissurus, quòd Scriptum ipsius prodierit mancum, sublatâ nempe è medio censurâ, quam ipse voluit, fortasse præ quodam juvenili fervore, in Viros nonnullos egregios stringere; præsertim cum ipse, (ut meritis videtur,) ea ipsa de causa non obscure perstringatur. Sed hæc prætermitto. Ad *Bilsonianæ* Anatomie Anatomen pauca notanda habeo, cum illi & nostra hinc inde implicentur: Cum gratia tamen Auctoris agam id omne quod agam: nequaquam ullo contradicendi studio, aut pertinaciter porrò ea tuendi, quæ antehac à me fuere prolata; sed amore veritatis: nec enim mihi propositum ullibi, persuadere aliis

ve-

veriffima eſſe quæ à me proferuntur ;  
hoc ago unicè , ut mihi, quæ profero,  
quàm maximè vero cenſentanea ap-  
pareant; aliorum libertati rem omnē  
relinquo , nec expeto aſſenſum , niſi  
fortè alii iudicio proprio prolatis aſ-  
ſentiantur. Quod *Bilſii* quidem per-  
ſonam attinet : Eum ego quidem  
videram nunquam , nec ullum mihi  
cū ipſo interceſſerat literarium com-  
mercium , cū nuper , ante ſepti-  
manas aliquot , priorum fortè  
negotiorum ſuorum expediendi cau-  
ſâ in Friſiam proſectus, ad me ulterius  
Gröningam excurrit, ſuâque præ-  
ſentiâ me fuit dignatus. Ut adeò nihil  
ex privato ullo erga Virum affectu  
à me fuerit actum , quod æmuli ejus  
( qui vel ſub larva in me inſurrexe-  
runt, vel Patroni illorum,) ſiniſtrè  
acceperint : Non növeram Virum,  
cujus interim laudes, ſplendidaque  
encomia , ac ſingularem in re Anato-  
mica peritiam , hætenus omni ætate  
Mundi

Mundi omnibus Anatomicis inauditam, prædicari hinc inde ab aliis cognoveram, (etiam iis ipsis qui postmodum ea quæ admirabantur, quæque scire optabant, invidiâ profecuti sunt, atque improbo molimine,) cum publicè optarem literato orbi communia fieri, quæ propria vir ille ferebatur habere. Factioni *Bilsianæ*, si quæ fuit unquam, me minimè immiscui, nec contuli unquam cum quoquam eorum, quos *Celeberrimus Bilsianæ Anatomia* Examiner Nobiliss. *Bilsi* Propugnatores memorat, *Anatomes* suæ pag. 12. ut neque cum aliis, Factioni ulli, (quod scirem,) addictis. Quæ retuli de *Bilso*, judicium olim de ejus Anatomia rogatus à Te, Vir Excellentiss. atque aliis Viris Excellentibus & præclaris, ex aliorum fide ac relatu retuli, (eorum etiam, quos postmodum invidia in æmulos *Bilsi* atque hostes mutavit:) ut cuilibet mea, quæ Tibi inscripti, legenti con-



conſtabit. Nulla ego unquam *Bilſii* dogmata propugnare inſtitui: Hoc unum duntaxat, quod Ratione ſemper tuitus eram, quòd publicis ſcriptis uſeram pridem, etiam tum cùm Lactea Vaſa crederentur ad Hepar pertingere, cùm nondum Lymphatica eſſent inventa, nempe, Chyli partem magnam ſuſcipi à meſaraïcis ſanguiferis, ac per venam Portæ in Hepar influere, hoc unum, inquam, veritatis ſtudio propugnare perrexi, allegatâ tandem, (cùm *Bilſius* orbi literato innoteſceret, atque ita & mihi,) Bilſianâ Experienciâ, ac ſenſuali demonſtratione: In hac ſola materia, quæ *Bilſii* non erat, ſed Antiquitatis univerſæ, quæ mea erat, cùm *Bilſii* nomen erudito orbi nondum innotuiſſet (ne credar fortè in gratiam *Bilſii* hîc quicquam egiſſe, cur malam gratiam inire potuerim apud æmulos ejus,) etiam tum, cùm omnes per Lacteas Venas univerſum

Chylum ad Hepar amandarent, in hoc dogmate, inquam, quod solum *Bilfio* mecum commune est, exercui me ipsum, atque alios mecum, diversissimè interim in veritatem affectos, nec pari omnes cum Excellentiss. *D. Bartholino* studio ad hanc collimantes. Quod attinet *D<sup>os</sup>. van Horne*, ac *Sylvium*, & personatum illum Tenebrionem *Blottesandæum*, qui cum aliis dicuntur circumspecto judicio rem perpendentes, inventa & decreta Nobiliss. *Bilfii* vehementer oppugnâsse: id equidem putem me effectum dedisse, ut habituri non sint apud æquos judices, de quo glorientur contra *D. Bilfium* in illa materia, cui me involvebant. Si illi Insectatores bonorum Virorum, veritatis potius eruendæ studio, quàm invidiâ & odio acti fuissent, majori certè cum humanitate egissent, ac paulò magis circumspecto judicio rem perpendissent. De reliquis nihil dicam:

nisi

nisi quòd , cùm egi cum Excellentissimo ac sempiternâ laude dignissimo Viro , D.D. *Bartholino* , id unicè egerim , ( quod veri censeo Philosophi esse , ) ut mihi satisfacerem ; quod unum saltem me obtinuisse , gloriari possum. Ac quòd non minùs Concordiæ studio in colenda amicitia , dum fortè erat sententia discors in re literaria , litârim ubivis , id ipsam meam *Dissertatio Epistolica de Hepatis Officio* ad Excellentiss. Virum D. D. *Bartholinum* , ac porrò meam *Disquisitio Ulterior de Chyli motu & Officio Hepatis* , abundè testantur : Quemadmodum vicissim non alium in illo humanissimo viro , ac verè Philosopho , apprehendi animum , quàm qualem expectavi , qualem ipse optavi : At quàm ardente veritatis studio rem ipsam perpenderint *van Horne & Sylvius* , quàm humaniter egerint , cùm me adorirentur , quòd passim mihi conflarent invidiam , id ipso forum fraudes

Disputationibus publicè habitis immixtæ, ac virulentæ Præfationes, hominibus ab omni animi cultura alienis dignissimæ, in me, qui nunquam sequiore ullâ cogitatione offenderam homines illos, evibratæ, loquuntur; Id verò tandem plenius aperuere *Rediviri Hepatis Vindiciæ nostræ*, Earumque *Supplementum*, *Apologotica* nostræ *Defensionis Prodomo* (quo personato illi *Maledicto Bloufandæo* detrahebatur larva,) ad calcem adjectum; prodidere id ipsum *Heautimoroumenos Sylvius* noster, seu *In Sylvam Echo*; ac *Præfatio* nostra præmissa *Sylvæ-Caducæ Cadenti*; ut alia prætermittam. Quàm denique circumspccto judicio negotium controversum perpenderit *Tenebrio* ille, famosus famosorum *Libellorum* Autor, cum *Sociis* suis, id nostra *Hepatis asserta Resurrectio*, evidenter ostendit: cujus interim hominis malitiosi ac perdit, vel improbæ Catervæ, nequitiam ac scelera

ſcelera, aut certè cranium medullâ vacuum, at militiâ plenum & improbitate, detexit noſter *Prodromus* memoratus; eademque porrò *Oconomus Corporis Animalis Reſtitutus*, ſeu *Genuinus Animæ Humanæ Ortus*, &c. itemque *Reſurrectio Hepatis aſſerta*, jam commemorata, nec non *Vindiciæ Fœtus extra uterum geniti*, aliaque quæ illis addita ſunt, luculenter demonſtrant. Sed optimo Viro, acceptiſſimi muneris datori & Autori, Celeberrimo & humaniſſimo D. D. *Paulli*, nequaquam quicquam hac meâ commemoratione vitio verto; historicè refert, quæ fortè non omnia ad amuſſim expendit, aut quæ fortasſe ab aliis accepit, aut ex ſcriptis aliorum facilis admittit; dum interim, (ut colligo ex Scripto ipſius) ſcripta noſtra non vidit, quæ *Tenebrionibus* apparavimus; ut certè non vidiffe *Reſponſum ad Excellentiff. D. Bartholini Diſſertationem de Hepate Defuncto*, ſeu

*Ulteriorem Disquisitionem* meam (cui in uno Opusculo nostra *Resurrectio Hepatis* asserta est addita,) hinc inde liquet ex *Anatome* ipsius (ut pag. 43. 47. & alibi;) ac nec alia quædam recentiora nostra, contra *Sylvium* edita, hætenus vidisse, liquere videtur pag. 120. Satis interim notat Celeberr. Vir famosi libelli Scriptorem illum, Magistratum publico decreto notatum, *Blottesandæum*, dum *fiſtis nominibus personatum* incedere. Tenebrionem illum pronunciare non veretur. Sed missis illis ad *Bilſium* redeo: Nequaquam probo, si insolentiùs unquam pronunciavit quicquam: Non dubito interim, quin habeat nonnulla in re Anatomica, quæ hætenus alios Anatomicos latent: Quin imò, id certum esse, res ipsa tandem ac eventus probavit, posteaquam *Artem* secandi *Bilſianam Brabantia Ordines* magnâ vi pecuniæ ab ipso redemerunt, ac insuper in annum *Honorarium* ipsi duo

duo millia florenorum, quoad vixerit ipſe, ac totidem ejus filio unico, poſt obitum ejus, munificè assignârunt, ut literis Excellentium Medicorum & Anatomicorum Bruxellis ex ipſa Brabantia ad me datis conſtare poteſt, recitatis à me in *Sylvio Heautontimoroumeno pag 304. & ſeqq.* poſteaquam, inquam, ſecreta illius Diſſectoriæ Artis dictorum Brabantiaë Ordinum juffu aperuit Viro Clariffimo & exercitatiffimo D<sup>o</sup> *Gutſchovio*, Anatomiaë in Acad. Lovaniënſi Profeſſori, qui ipſe ſectiones vivorum canum, præſente ipſomet *Marchione de Caracena*, atque *Ordinum Deputatis*, nec non quibuſdam *Lovaniënſibus Medicis*, dexterrimè inſtituit, ſecundùm ſecreta à *Bilſio* communicata, citra ſanguinis fuſionem, tum ſine *Ligaturis*, tum cum *Ligaturis*, tam felici ſucceſſu, ut omnes, qui ſectionibus Judices aderant, *myſteria Naturæ inaudita & nunquam viſa admirati ſint, & nova hæc*  
in-

inventæ, utpote toti humano generi utilissima, majori præmio digna æstimarint, & D. Bilſio, admirando illorum inventori, communibus votis applauſerint, poſt quæ tentamina atque Experimenta pecuniæ demum Bilſio numeratæ ſunt, ut aliis literis Bruxellis ad me datis, ac verbotenùs recitatis, in Præſatione mea ad *Sylvam - Cæduam Cadentem* oſtendi; ubi item Declarationem ac Teſtimonium Clariff. Viri, D. D. *Gueſchovii*, circa Secreta Bilſiana, ſibi juffu Ordinum communicata, ( ſub fide juramenti, Ordinibus quocunque tempore, loco, modove præſtandi, ) depositum, exhibuimus: Certè talia illic Candidus Lector ab Anatomiae Profefſore exercitatiffimo relata ac comprobata inveniet, quæ meritò miretur, quæque illos Leidenſes Bilſianæ Anatomiae æmulos Proſectores meritiffimè confundant. Nequaquam verò artificium Bilſianum ad Ligaturas recidit, ut ſuſpiciatur



catur Celeberrimus D. Paulli, *Anatomes* ſuæ pag. 19 quamvis etiam per ligaturas ſectiones inſtituat ſine ſanguinis fuſione, quam Artem etiam Studiosos docet, (ut ex ipſo intellexi;) ſed ſine Ligaturis, ac interim ſine fuſione ſanguinis, potuiſſe protinus Clariff. in *Gutſchovium*, à Bilſio doctum, ſectiones inſtituere, ex ſuperiùs allegata Epiftola patet. Nec verò in eo duntaxat conſiſtit artificium Bilſianum, quòd poſſit citra vaſorum ligaturas viva animantia ſecare ſine ſanguinis fuſione; ſed arte ſuâ hoc inſuper præſtat, (quod ubi cum ligaturis inſtituitur ſectio præſtari non poteſt,) ut minimæ etiam particulæ quævis in conſpectum veniant, ac nudæ appareant, quæ oculis licet artificioſe armatis ne Argus quidem ipſe videret. Mirum ſanè, dicitur in prædicta Epiftola, quam Præfationi memoratæ inſeruimus, quâ dexteritate ſanguinem ex arteriis, etiam muſ-

*musculorum & minimis, in venas adigat, & cogat quasi torculari, ( quocunque vult ) unde partes vicinæ inflantur, & vascula minima, & ante ullam compressionem visum effugientia, fiunt conspicua; membranarum etiam duplicaturæ, violentiâ illa coactione se manifestant, & à se invicem sejunguntur, &c. Peritonæum ipsum ex quatuor vel quinque lamellis conflatum ad oculos demonstrat; extremitates vasorum, venarum, arteriarum, nervorum, &c. nudis exhibet oculis; terminari nervos & expandi in membranas evidenter ostendit; rorifera vasa, ( quæ vocat ipse ) in partium spermaticarum vulgò dictarum fibrillas abire, clarè demonstrat; hasque ideo colligit rorido illo succo nutriri, dum per arterias vigor vitalis affunditur, &c. Saltem plura exhibuit Marchioni Caracenæ, atque Ordinibus Brabantiae, ne quidem propriâ manu admotâ, sed per D. Gutschovium recens edo-*

edoctum, dum interim ipse, silentio ipsi à Judicibus indicto, militare non auderet, quàm fuerat pollicitus. Vidi ipse cum Rev. D.D. *Maresio*, Collega meo, (ad quem cum mihi nuper adesset Nobiliss. ille Vir, eundem adducebam,) præter Diploma honorificum Regis Hispaniarum atque Ordinum Brabantiae, torquem aureum, non parvæ molis, cum nummo appenso, effigiem Regis Hispaniarum gerente, quo Illustr. Marchio de Caracena Regis in Provinciis Belgii Hispanicis vicarius, ipsum ornavit, quòd ultra expectationem admiranda exhibuisset. Quid verò scribas contra talem, quæso, cujus Artem ipse hætenus ignoras? Cogitemus necesse est, non esse pueros Brabantinos illos Anatomicos & Medicos, qui patiantur sibi à Viro aliquo illiterato illudi. Sed animus mihi nequaquam est, Encomiasten agere Nobiliss. *Bilfii*: occasione datâ hæc refe-

refero duntaxat ; ac optarem interim à tali viro illiterato plura insuper discere. Saltem mirum non est, si talis Artifex , qui in conspectum promere potest, quæ Sensibus Natura videtur negasse, qui in corpora recens demortuo potest repræsentare sensibus, ceu sejuncta ab invicem, ac quasi suâ sponte dispanfa, quæ arctissimâ contiguitate in cadavere cohererent, ut nullo sensu discerni queant, qui evidenter potest in partibus demortuis, minimisque fibrillis, viventium vivum statum repræsentare, particularum minimarum connexionem cum invicem, aliaque similia, quæ fugiunt sensus, protrahere in conspectum, ac nudis oculis evidèntia exponere, mirum non est, inquam, si talis non modò in suis balsamo conditis intestinis, tum oculis tum tactui, vasorum veram irradicationem & valvulas, quodque est indaginis adhuc subtilioris, Venas  
Lactæas

Lacteas angustioris orificii esse mesaraïcis rubris, testimonio sensuum queat firmare; sed clariùs in corpore recens demortuo exhibere eadem, quin & venarum Lactearum valvulas, aliaque subtiliora, quæ nec Argus ipse, quamvis oculus totus sit, visu assequi posset, aliorum obtuitui evidentiâ exponere. Quis verò non facilè mente concipiat, ubi ita particulæ expansæ repræsentantur, ut subtilissimæ membranæ ex variis lamellis conflatae appareant, cum intercurrentibus suis fibrillis, servato nexu naturali omnium, etiam exactiùs vasorum extrema ipsa, ac insertiones eorundem seu irradiationes explorari posse, quàm si radendo naturalis partium constitutio violetur? Demus Viro Clarissimo, *Mesaraïcas rubras circa intestina capacitate sua Lacteas minimè superare*, ut concludit p. 38. an ideo sequitur harum oscula in intestinis esse patentiora? Contingere utique  
non

non rarò videmus , ut in ampla fluentia per angustas cataractas detur ingressus ; at ostia fluviorum angustorum contrà pateant latiùs. Ponamus verum , *controversiam* de Chyli ad Hepar motu , similiterque de osculorum per quæ subeat amplitudine , *vivâ inspectione & cultelli acie dirimendam* esse : At an ideo , quòd Vir Celeberrimus hætenus non potuerit Mesaraicarum rubrarum patula oscula invenire , colligere licet , ergo *frustra queri in mortuis illorum irradiationem* , ut contendit loco paulò antè allegato. Non illicò si mihi datum non fuerit adire Corinthum , colligere ausim , id nemini concessum , aut frustra tentari. Potest *Bilsius* exhibere nudis oculis conspicienda , ut oculatis ac interim fide dignissimis testibus credo , quæ hætenus nemo videre potuit , quæ omnis omnium Anatomicorum Exercitus (quod sine cuiusquâ opprobrio dixerim , cùm Natura non omnia aperiat simul,

simul, nec cuncta cuivis) frustra ha-  
 ctenus quæsierit. Profitetur utique  
 ipse Vir Celeberrimus pag. 30. quum  
*cutello rugosam in cavitate intestinorum*  
*tunicam, seu potius villosum mucum (vel*  
*muscum rectius, ) leniter abraderet, san-*  
*guinem per exigua foraminula consertim*  
*prorumpere, & superficiem imbuere incepisse;*  
 mortuo autem subjecto, inde vel  
 guttulam sanguinis elicere, etiam  
 transversâ & profundâ incisurâ, in-  
 cassum se conatum fuisse; nec usquam,  
 inquit, foraminula aderant, cum tamen  
*radendo tam tenuia reddidissim intestina,*  
*quàm sunt vespertilionum alæ, &c.* Opor-  
 tet autem adfuisse verè foraminula  
 quædam, seu oscula mesaraicarum  
 rubrarum in intestina pervia fuisse,  
 per quæ sanguis ille posset prorum-  
 pere; quamvis ulteriore ratiōe factâ,  
 nec oculis ipsis foraminula appare-  
 rent in mortuo subjecto, nec sanguis  
 ampliùs ullus profunderet. Et sanè si  
 oculo (velut illis apud *Plutarchum* pa-  
 lato,

lato, Catone dicente,) plus sapere forsan Anatomicis licet, quàm quidem Corde, eodem jure judicandum erit, ne quidem ulla foramina fuisse in tunica intestinorum, radendo ad eam tenuitatem redacta, per quæ in Lacteas venas quicquam ex cavitate intestinorum queat subire: Hic utique locum habere debet, quod ait Hipp. lib. de Arte, *Que oculorum nostrorum aspectum effugiunt, ea mentis acie comprehenduntur.* Certè nudus oculus, nisi accedat artificium, (quali *Bilsum* solum instructum testantur, qui rerum periti sunt, ac testes oculati,) in cadavere foramina lactearum non percipit: Non diffiteor, inquit Candidissimus *Bartholinus* in *Hepat. Defunct.* p. 41. *venas Lacteas ad sensum in intestinorum cavitatem naturaliter non hiare, sufficit enim crusta intestinorum carnea, inquit, quæ velut panno sugunt & imbibunt Chylum.* At interim verè foramina adesse in Lactearum extremita-



mitatibus, per quæ admittatur succus quicumque, contenta earum abundè arguunt; idemque testatur experimentum Viri Celeberrimi, relatum p. 32. quo, quoties Lactæ ab ipso comprimerentur, toties Chyli humorem, candidissimo Lacti simillimum, in cavitatem intestinorum, magis magisque laxatis osculis, (quantumvis obtutum oculorum effugientibus,) tanquam ex spongia (ex spongiosis scilicet ipsarum capitulis, pertusis hinc inde, papillarum instar, foraminulis minutissimis, oculorum aciei haud perceptibilibus,) potuisse exprimi. Si ergo factâ racione intestini, nulla foramina sensui obvia fuerunt, cùm tamen sanguis ultrò proflueret sub initio racionis, velut pressione ex Lacteis prodiit in cavitatem intestinorum albicans succus; quæ oculi inspectio, quæ acies cultelli, controversiam nobis dirimere poterit, utrum mesaraicarum rubrarum foramina,

B                      mina,

mina, an verò Lactearum ampliora habenda sint? nisi melius artificium quodcunque adhibeatur, quàm hætenus fuit Anatomicis notum, quo possint oculis manifesta reddi, quæ alias ne quidem perspicillo microscopico accuratissimo adhibito, nisi poris partium ac lameillis membranarum, fibrisque minutis, quasi ultrò secundum naturalem habitudinem dilatantibus sese atque dehiscantibus, possent sensu deprehendi. Ad poros adeò minutos perquirendos, seu vias angustissimas pervestigandas, nequaquam ratio conveniens videtur, quâ potius viarum ratio aboletur: Et quis ratione in vesica institutâ, genuinam ureterum in eandem insertionem, ritè oculis exponeret? Sunt & alia passim in corpore foramina, quæ sensibus haud illicò obvia existunt: Pituitariæ membranæ foraminula quàm plurima inesse certissimum est, per quæ  
muco-

mucoſum lentumq; humorem trans-  
mitti haud ignoramus: at oculis illa  
haud protinus manifeſta ſunt. Similia  
multa notavit Vir Excellentiff. ac Ce-  
leberr. *Schneiderus* in doctiffimo ſuo O-  
pere de *Catarrhis*, lib. 3. pag. 505. &  
ſeqq. De oſculis Lactearum, ſeu for-  
minulis earundem, per quæ ſuccus,  
qui ſubit ex intēſtinis, admittatur,  
nemo hætenus Anatomicorum cer-  
tiora protulit, quàm quæ prolata à D.  
*Bilſio*, cum utique nemo ea oculis hæ-  
tenus uſurpare potuerit: At ſaltē re-  
ferente Excell. *Bartholino Hep. Deſunct.*  
p. 32. teſtatur utique D. D. *Moiniche-  
nius*, S. R. M. Medicus, in arte ſecandi  
peritiſſimus, viſas à ſe eſſe in cadave-  
ribus Bilſianis balfamo conditis meſa-  
raïcas rubras ad interiora inteſtinorū  
pertingentes, *patulis oſculis*, (quod de  
Lacteis nemo hætenus pronuncia-  
vit;) ut adeò non temerè obtulerit  
*Bilſius in Reſponſ. ad obſervat. D. Bar-  
bettii* § 5. ſe in illis cadaveribus me-  
ſaraïcas venas in intimam inteſtino-

rum tunicam irradicatas, tum oculis tum tactui exhibiturum; ubi & *valvulas* earum innuere videtur, velut item *Resp. ad §. 8.* quas equidem ratione Celeberrimi D. D. *Paulli* laceratas fuisse verisimile est, unde sanguinis profluuium, quod mox cessabat, subsequenter valvulis affluxum novum præpedientibus. Quæ ad illam Clariss. *Moinichenii* observationem in cadaveribus prædictis excipit Excellentiss. D. D. *Bartholinus*, ea equidem à nobis expensa sunt in *Disquis. Ulter. de Chyli Motu & Offic. Hep. pag. 224. & seqq.* Quæ verò habet Celeberrimus D. D. *Paulli* p. 39. ex Clariss. D. *Bartholino* allegata, obscurum sensum exhibere videntur. Si quid *Bilsius* exhibet, inquit Vir Cl. id esse Mesaraicarum rubrarum ramulos, ex intestinis prodeuntes, inde conjicio, quòd, quæ ostendit vasa, referente Cl. *Bartholino de Hep. Def. pag. 32.* exterius ab intestinis resecta sint

sint & detruncata. Ego equidem verba ac mentem Clariss. D. *Bartholini* longè aliter accepi, ut ea etiamnum accipienda censeo: *In illis* (cadaveribus balsamo conditis,) inquit, *quæ illi* (Moinichenio,) *monstrabantur patulis osculis* (sc. ad intimam intestinorum tunicam hiantibus, de hisce enim osculis sermo erat,) *intestina* (quæ intus patula venarum mesaraicarum oscula exhibebant,) *erant abscissa, ut mirum non sit vasa mesaraica ab intestinis detruncata & resecta, orificia patentia ostendere*, sc. quâ parte in abscissis intestinis extremitates illorum vasorum hærebant, quæ orificia intus patentia exhibebant: utique quâ parte mesaraïca illa vasa extra intestina erant detruncata & resecta, *orificia* sua non poterant ostendere, ea enim intestinis cum extrema portiuncula irradicata remanserant, à vasis resecta: At interim

tioni subesse innuebat *Bartholinus*; non quòd partium externarum ab intestinis resectarum patula foramina pro orificiis vasorum mesaraïcorum ad interiorē intestinorum superficiem hiantibus, ac patulis, de quibus sc. quæstio erat, exhiberet, (hæc enim non fallax sed stolidā omninò demonstratio fuisset;) sed quòd naturalem constitutionem orificiorum, ad interiora intestinorum hiantium, vellet ostendere in corporibus exsuccis, aridisque, adeoque partes patulas ostendentibus, quæ aliàs in statu sano claudantur; quòdque eadem exhiberet in talibus intestinis, à quibus vasa ipsa exteriùs erant resecta: unde subjungit *Bartholinus*, *At an ita in viventibus & integro corpore appareant*, (ut nempe illic in cavitate intestinorum similiter pateant,) non vidit, nec fieri potest. Sed hanc difficultatem diluimus satis, nisi judicium me fallit, alleg. loco. Prædictam verò D. *Bartholino*

*tholino* ex *Moinichenii* relatione, mentem fuisse, vel nunc quoque magis colligo exinde, quòd D. *Bilsius*, cùm huc excurrisset, particulam intestini balsamo conditam, atque à reliquo resectam ostenderit mihi, ubi præter *muscum villosum* illum elegantissimè comparentem, foraminula intus, seu oscula vasorum evidentissimè apparebant, atque oculis patebant. Quid verò multis? Largitur saltem Celebrerrimus Vir, reverà non esse foraminula nulla, in extremitatibus venarum mesaraicarum vulgarium, per quæ subeat aliquid ex cavitate intestinorum, vel confluat in eam; sed omninò humorum in purgationibus excretionem illis venis competere, (confluxu interim arteriis competente) statuit ipse pag. 48. ut adeò necessum sit, per mesaraicas venas foras ejici removendam materiam à pharmaco assumpto, inque intestina deponi, ut propriis ipsius verbis utar ex

p. 115. Quin &, quicquid in purgantibus Medicamentis & Medicamentosis alimentis maximè est spirituosum, ut in totum corpus perveniat, hæc venas peragrarè, ut ipse declarat pag. 48. & seqq. itemque pag. 111. & seqq. atque alibi sæpiùs; Largiamur ergo nos ipsi vicissim, 'quamvis hætenus nec sensus nec ratio ulla id ipsum ostendat, quin imò cui contrarium videtur dictare ipsa ocularis inspectio in cadaveribus illis exsuccis & aridis,) esse forsan minora foraminula illa, per quæ quid subeat è cavitatibus intestinorum in mesaraïcas rubras, quàm sint foramina ad Lacteas attinentium: an inde colligendum, quod colligit Vir Celeberrimus, vel quânam, quæso, ratione aut sensu colligit illud, quod pro concluso voluit positum pag. 57. nimirum, *Omnem Chylum per Lacteas transire; nec Mesaraïcas rubras tantillum ejus, nec aliud præter sanguinem,*  
*quem*



quem revebunt, nisi quod ex assumptis, seu Medicamentis ad intestina prolapsis, seu alimentis Medicamentosis, tenuissimum est, posse accipere? Seu, ut habet pag. 111. *Venas Mesaraicas*, propter exilitatem extremorum surculorum, neque Chylum, neque alium quemcunque crassum liquorem posse recipere? Utique statuit etiam *Bilsius* ipse, *Mesaraicas rubras*, ex communi illa *Cremoris* massa, quæ fermentatione ac coctione in ventriculo parata est, indeq; in intestinis elaborata ulterius, nil aliud suscipere, nisi id quod magis præ reliquo spirituosum est, quod tamen interim non merus sit spiritus, sed spirituosus ac densa partium tenuium cohæsiōe, (ut in oleo anisi, aliisque similibus fieri contingit,) inspissabilis succus, qui aëri expositus facillimè concreseat atque induretur, ad sanguinis naturam proximè accedens, ut nempe exinde sanguis vitalis seu spirituosus deinceps

ceps queat generari; quod verò præter alvinas fæces præterea subest, quod nempe magis aquosum existit, id ipsum Lactea vasa subire. At malè passim confundi solet *spissum* cum *crasso*. Utique *Chylum* ipsum, quem mesaraïcas rubras subire censemus, *crassiore* propriè nequaquam habendum esse eâ cremoris parte, quæ lacteas penetrat, quamvis consistentiæ spissioris evadat per coagulationē, declaratum dedimus in *Disq. Ulter. de Chyli Motu*, pag. 240. & *seqq.* Quin imò reverà fieri posse, ut crassior substantia porulos subeat, in quos tenuior insinuare se nequeat, luculenter demonstravimus *alleg. Disquis.* pag. 235. & *seqq.* ite. inque pag. 243. & *seqq.* Perpendat Vir Celeberr. quæ *ingratiæ eorum*, qui rerum naturalium studio delectantur, & rationes simul æquâ lance ponderare didicerunt (ut loquitur in *Præfatione ad Jo. Alph. Borelli de Renum Usu Judicium*, pag.

pag. 24.) viſum fuit Borelli verbis in medium proferre pag. 28. Plurimis experimentis comprobari poſſet, inquit cum Borell. poros anguſtiſſimos à rebus ſubtilioribus non penetrari, licet ipſos craſſiora pervadant; ruruſque à poris ſatis patentibus & laxis, ſubtilia non admitti, quamvis minus tenuia introducantur. Sic, quantæ ſunt anguſtiæ Auri poroſitates? inquit: aded illæ ſenſum effugiunt, ut proruſ non reperiri aliqui contenderint; & tamen Mercurius poros illos penetrat, quos non aër, nec ulla Hydrargyro ſubtiliora poſſunt pervadere. Ruruſ, quantæ ſunt amplitudinis pori veſicarum & pellium, inquit: Ab his tamen exſudat aqua, licet exitum aëri tenuiori nunquam concedant. Unde patet ad ſenſum, majorem vel minorem oſculorum anguſtiam nihil omninò ad huius illiuſve humoris penetrationem facere, niſi etiam partium, quæ introduci debent, figuræ accommodetur.

Hanc veritatem nequaquam eludit effugium illud, quod in *Respons. ad Epistolam D. Wepferi* habet, pag. 117. Aliam esse & quidem diversam orificiorum in venis, aliam pororum in metallis indolem; quod nullâ indigere probatione existimat, quoniam diversissima utrarumque est conformatio: Sed & diversissima conformatio est particularum earum quæ aurum pervadunt; atque earum quæ orificia venarum ingrediuntur, vel ab hisce excluduntur: Et quidnam, quæso, id ipsum designat, quod ait, aliam utrobique conformationem esse? quæ ratio, quæso, conformationis diversæ? quo sensu verò diversitatem cognovit? Vel cur non potius *rationi* quoque hîc locus concedendus est? ut adeò non planè controversia istæ *inspectione vivâ & acie cultelli dirimenda* videatur. Nec verò se expedient, nec studio veritatis ritè litabunt,

bunt, qui, ut loquitur Vir Celeberr. pag. 108. admirantibus quàm affirmantibus similiores, & frustra singulorum rationem reddere conantes, (vel potiùs temerè rationes aliorum quascunque respuentes,)

*Hæc quia nec possis oculorum cernere visu,*

*Prendere nec manibus,*

majoris partis consensui acquiescunt. Sed neque in eas angustias opus est ut deveniatur: Ad vilum tactumque provocat *Bilfius*. Audiatur is saltem: ac ubi tandem testimonia sensuum deficere incipiunt, non planè proscribatur *oculus mentis*. Haud protinus conjectura est, si quid sensu nullo demonstrari potest: saltem neutiquam *conjectura* est, si modò fide dignissimis testibus fides habenda est, quam pag. 107. dicuntur quidam *de fusco & cinericio colore in rubris Mesenterii rivulis deprebenso,*

excogitâsse: de qua re ita fusè disse-  
ruimus, ac solidè, ut opinamur,  
in *Resurrectione Hepatis asserta*, at-  
que *Ulteriore Disquis. de Chyli motu*,  
itemque alibi, ut planè censeamus  
supervacuum fore, si quicquam ad-  
damus: Non video autem, quî  
dicatur illa de *cinericio colore* in Me-  
senterii venis deprehenso sententia,  
vel potius experientia, propriâ fra-  
gilitate concidere, quàm diu reapse  
non comprobetur, Venas Lacteas  
rubrarum esse propagines; nisi id  
quod in quæstione est jam definitum  
habeatur, sc. nullum chylum ex  
intestinis in rubras Mesaraïcas su-  
bire; simulque sufficiat falsum pro-  
nunciare quod quis ipse non vidit.  
Sed talibus diutiùs immorari non  
vacat. Cæterùm miror vehementer,  
Excellentiss. simul atque oculatissi-  
mum Anatomicâ manu menteque  
*Wepferum*, potuisse induci, memo-  
ratâ *Viri Celeberrimi* observatione,  
hactè-

hactenus expenſâ, ut crediderit per illam veras Chyli portas doceri potuiſſe; neminemque ſanum in poſterum tam facile obluctaturum, ut pronunciat in *Epiftola de Dubiis Anatom.* ad Cl. D.D. *Pauli* p. 93. 94. Certè ratio, quam ſubjungit nequaquam eſt talis, quæ perſuadeat cuiquam, à trita via per meſaraïcas rubras pro Chyli motu, eſſe planè deſiſtendum: *Siquidem quilibet*, inquit, *ſenſui conſulens* manifeſtè deprehendet 1°. *Venas Lactæas in cavita-tem inteſtinorum pervias eſſe, & preſſas chylum refundere.* 2°. *Venas verò Meſentericas ita occluſas eſſe, ut ne flatum quidem admittant in inteſtinum.* Quod prius attinet, ſc. pervias eſſe Lactæas venas, id nemo negaverit; at omnem chylum, ſeu quicquid præter fæces alvinas cremori ſubeſt, in eas admitti, id inde non ſequitur, nec ullo ſenſu id ipſum firmatur; teſtimonium ſenſus contrarium urgetur à D.

à D. *Bilſio*, cui ratio adſtipulatur, ut pridem multis à nobis expoſitum; quin & negat *Bilſius*, id ipſum quod albicans in Laſteas ſuſcipitur, meliorem chyli portionem habendum eſſe; ſed potiùs eſſe magis aquoſam præ reliqua contendit: dum interim quod ſanguini generando eſt congruum ſubintret venas meſaraïcas rubras. Ad alterum, quòd dicuntur Meſentericæ venæ ita eſſe occluſæ, ut ne flatum quidem admittant *in inteſtinum*, reſponderi poteſt, id valvularum obſiſtentium beneficio fieri, quarum item beneficio præpeditur ſanguis ne diſmanet in inteſtinum. Si verò quæramus, quæ ratio ſit, quòd ne quidem flatum *ex inteſtinis* eadem vaſa transmittant, hæc circa Laſteas eadem eſt; quæ utique dum chylum creduntur admittere, non tamen cum chylo flatum transmittunt, ſi vel eo contingat diſtendi inteſtina. Sed quæſtio illa, Quî poſſit  
chylus



chylus ex intestinis transire in quæcunque vasa, in quæ tamen nec flatus ipse, in maxima licet distensione intestinorum, possit subire? enucleata à nobis pluribus est in *Ulteriori Disquis.* ad D. Bartholinum, pag. 243. & seqq. quò Lectorem remittimus. Quod si verò nihil, præter jam commemorata, ex Cl. D. Pauli inventione percepit *Wepferus*, miror denuò summo perè, quì certò persuadeatur, ut ait ipse pag. 95. illa D. Pauli inventione, nihil chylosi ex intestinis immediatè extremis capillamentis venarum Mesentericarum illabi: si quidem haud magis foraminula ulla sensibus patent, per quæ quid subeat in vasa Lactea, quàm quæ in venas mesentericas rubras quicquam transmittant; at interim certum est penetrare chylum ex cavitate intestinorum, quò flatus nequit se ipsum insinuare, velut tenuiorem medicamentorum portionem, nec non alimentorum medicamentofo-  
rum

rum, ne ipse quidem Cl. *Paulli* ab ingressu in mesaraïcas rubras excludit: Quin imò miror, siquidem nondum in animum suum inducere potest D. *Wepferus*, omnem Chylum per ductum Pecquetianum massæ sanguineæ permisceri, ut profitetur ipse pag. 95. per quasnam vias censeat posse chylum subire? cum utique ex intestinis, præter Vasa Lactea, & mesenterica rubra, diverticulum aliud nullum detur, (ut agnoscit D. *Paulli* p. 111.) quo quicquam admittatur. An forsan tacitè statuit nobiscum, ex glandulis Mesenterii Mesaraïcas rubras imbibere succum, per Lactea vasa ad ipsas delatum? Certe non videtur conjectura illa, ut appellat D. *Paulli*, à mente *Wepferi* aliena statuenda, ut fit ab illo Celeberr. Viro, pag. 107. Speciosè satis id à me probatum agnoscit ac profitetur D. *Wepferus* pag. 97. quamvis magis fideret si sensus rationum momenta stabilirent: At si-

qui-

quidem saltem agnoscere cogitur, à sana ratione alienum non esse, extremis capillamentis venarum mesentericarum illabi posse quicquam chylosi ex glandulis illis, cur non æquè admittit, posse item ex intestinis? Quæ, quæso, ratio diversitatis occurrit? utique sensus non magis ex illis quàm hisce chylosi quicquam illabi percipit; at sanè obscurum est, cur ratio quicquam glandulis transcribat in illo negotio, quod neget intestinis. Quòd si autem possint suscipere chylum mesaraica vasa, cur, ubi sensus nequaquam reluctatur, non fudit rationi? præsertim cùm agnoscat à sensu ac ratione alienum esse, per ductum Pecquetianum omnem chylum transmitti? Sed interim quæ causa, cur saltem libenter credat nobis, nequaquam posse omnem Chylum per ductum Pecquetianum massæ sanguineæ permisceri? Obstant, mihi semper, inquit pag. 95. ductus gra-

gracilitas, teneritudo, chyloforum, maximè potulentorum, copia; & in motu celeritas: Et pag. 96. Certè, si omnis chylus per tenerrimum hunc ductum transmittendus foret, inquit, omninò vita nostra à tenuissimo filo penderet: &c. cùmque in casu ab alto, valida in dorsum percussione æquè facilè in ductus lædì possint, ac vasa sanguifera sæpe rumpuntur, an consonum vero, voluisse naturam, ab uno illo tenui ductu hominis vitam pendere? Sed illud argumentum, pridem motum à nobis, prosecuti fuimus, occasione datâ, in *Resurrectione Hepatis asserta*, atque alibi sæpiùs. Nec verò nobis satisfacere possunt, quæ Cl. D. *Paulli* reponit pag. 108. & seq. sc. dilui chylum in Receptaculo, beneficio affluentis Lymphæ, ne periculum rupturæ canali illi à spissiori Chyli substantia ingrueret. At eâ ratione copia augetur, quæ interim vasis innumerabilibus advecta per-

rum-

rumpere debet per unum illum tenerum ductum : Et quicquid dicitur de Valvulis non parum ad firminus robur contribuentibus , ( quod mihi quidem haud multum videtur ; ) de totius ductus textura validis prædita fibris , ( cui ipsa ductus teneritudo reclamatur ; ) quod ligaturâ factâ , continuo liquoris affluxu infernè sustineat distendi , ac lactis per siphunculum immissi copiam affatim recipiat , ( ubi quidem admittit quantum capere potest , excluditur reliquum , dum interim in corpore naturaliter habente chylus omnis per venas innumerabiles advectus , per unicum illum tenerumque ductum creditur transire ; ) nec flatus inspirati violentiâ ullâ *facile* displodatur , ( quod interim certè periculo non caret ; ) quod inter venam *ἀζυγον* & aortam arteriam positus , utrisque filamentis arctiùs nectatur , partimque œsophago , ac partim appendicibus

cibus Diaphragmatis tanquam pulvinari incumbat, ( quod teneritudini substantiæ ejus derogat nihil: ) hæc omnia, inquam, conficere non possunt, quin saltem continua violentia quædam naturæ inferatur, quam hæc nequaquam naturaliter ferat, si omnis liquor, non modò per lacteas innumerabiles advectus, sed insuper lymphæ ad receptaculum confluens, per tenerum illum angustumque ductum continuè sint transmittenda. Quis verò non credat à tanta violentia, atque à continuo rupturæ imminentis periculo tam evidenti, naturam abhorrere? *Si sensus rationum momenta stabilirent, magis fideret Clariss. D. Wepferus: At interim, quò fortè acumen sensuum pertingere nequit, ibi utique ratio nequaquam repudianda est, subnixæ sensibus, at longius provecta; nequaquam omnis certitudo rerum à sensibus externis Philosopho arcescenda:*

fenda: suæ utique partes, & quidem potiores, tribuendæ sunt Menti, cum sensus ipse, sibi relictus, sæpissimè fallat. Saltem, ubi nil certi suggerit sensus, quòd si fortasse rationi non fidimus, consultum videtur *majoris partis & proximè vero accedentis consensui acquiescamus*, ut loquitur Celeberr. D. Paulli pag. 108. Et cur non sensuum experimenta admittuntur circa chyli motum à Nobiliss. D. Bilfio allata? *Chylus sanguini permixtus*, inquit *Wepferus p. 97. non penitus oculos effugere posset*. Ita quidem reverà est: nam sanguinis colorem utcunque immutat; at hujus tamen continuè novi per arterias affluentis rubedinem non tollit: Quin imò nec seorsim, seu separatus à sanguine, in venis sanguinem actu vehementibus conspicitur Chylus; nisi ubi in ampliores proximè infunditur, ac nondum massæ sanguineæ immixtus est: (sic D. Pecquetus *Chylo in cava ascen-*  
*dente*

dente reperto in notitiam sui ductus pervenit:) At sanguini perfusus, continuo hujusce fermentativo motu mox intimè hujusce particulis permiscetur; sed ita tamen, ut dum non planè rubedinem evertit, colorem saltem pallidiorem utcunque videatur efficere. Atque ita agnoscit Cl. *Wepferus*, pag. 97. se in Bove vasa mesenterica non fusca, sed pallidiora aliis quibusdam vasis sanguiniferis vidisse. Sed neque huic ipsi testimonio sensuum fidere audet: cum non omnia observata fuerint, ut ait, quæ attendenda necessarid existimat, si Chylum per hæc quoque loca ferri asserendum sit. Certè, si conveniens arteriarum ligatura fuisset instituta, (ad *Bilsi* imitationem,) ut nihil sanguinis exinde ad venas potuisset devenire, ipsumque animalis consutum denuò, ac nutrimento resectum, perque aliquot horas in vita servatum, lustratum fuisset postea curiosius, chylosus succus in  
venis



Venis mēfaraicis sanguiniferis certò  
 fuisset repertus. Varia equidem à va-  
 riis dubia hinc inde circa hoc argu-  
 mentum mota fuerunt: At hætenus  
 ego, non Hepatis studio, sed amore  
 veritatis, dignitatem & usum Hepatis  
 sum tuitus. Ad iudicium Virorum  
 Eruditorum ac citra affectum judi-  
 cantium, res ipsa nunc delata vide-  
 tur, quorum equidem sententiæ  
 lubens acquiescam. Si satisfecerit Deu-  
 singius, inquit Clariss. & humanissi-  
 mus D.D. Paulli pag. 120. objectionibus  
 contrariæ Sectæ addictorum, (quamvis  
 ego profectò nullam omnino Sectam  
 agnoscam, nulli Sectæ addictus sim,  
 ac omnes omnino Sectarios oderim,  
 cum magis soleant propugnare Se-  
 ctam, quàm quærere veritatem,) &  
 aliorum, inquit, (qui scilicet citra  
 Sectarum conspirationes veritatem  
 solam ante oculos habent,) eximia  
 quæque de illo sibi promittentium expecta-  
 tioni, triumphum merebitur omnium cum

applausu. Ultimam meam de hoc argumento Dissertationem à se nondum visam Vir ille Clariss. proficitur: Est autem illa, quam *Disquisitionem Uteriorem de Chyli Motu & Officio Hepatis* inscripsi; quæ jam pridem A° 1662. unà cum *Resurrectione Hepatis asserta* prodiit: Nam quæ nuper ad Sylvianas Nugas in lucem emisi, cum hæ non mereantur prolixum examen, ad pridem edita quo ad hoc argumentum Lectorem remittunt. Ceterum Triumphum nobis decerni haud quæro: Gratulabor veritati, si Viris Eruditis satisfacere potuerim: Nihil saltem eorum, quæ mota fuere contra *Chyli motum* atque *Hepatis usum*, quæque visa mihi hætenus, prætermittere volui citra responsum; idque sedulò egi, ut saltem meo satisfacerem animo, utque ipse meâ acquiescerem responsione: An satisfecerim aliis, id aliorum lubens relinquo judiciis. Una restat difficultas,

cultas, quam motam voluit Clariss. *Wepferus* pag. 94. An autem seriò an joco hîc agat, dubitare cogor. Procidentiam recti intestini vidit palmo longiorem, pugno virili majorem, hæmorrhoidibus cæcis undiquaque tumidi: in illa, inquit, globuli quàm plurimi acinorum uvarum magnitudine densissimè conglomerati, tenuissimâ tunica vestiti, colore ex atro rubescebant: quidam etiam splendidius rubescebant: utcunque autem Hemorrhoides istæ sanguine valde distentæ & turgentes admodum essent, inquit, ne guttula tamen ejus exsudavit, quod procul dubio factum fuisset, si venæ intestinis insertæ osculis paterent: maximâ enim hac distentione, valvularum remora, aut aliud quidpiam illis ἀνάλογον sublatum fuisset. Clariss. D°. *Pauli* quidem ex allato illo *Wepferi* exemplo, etiam magis comprobatur, minutissimos furculos, ab arcuatis venarum mesentericarum ductibus ad intestina

porrectos, prorsus esse impenetrabiles in horum cavitatem. Quin imò contendit pag. 106. fieri non posse, ut vel guttula ulla exigua sanguinis ex venis mesaraïcis rubris transeat in cavitatem intestinorum, quantumvis maximâ distensione urgeatur, nisi horum tunica interior, unâ cum Mesaraïcarum extremitatibus, ab acri aliqua materia, sit erosa. Quid ergo dicemus in ordinario quorundam hæmorrhoidali fluxu, qui multis familiaris? an identidem hîc quædam erosio intestini, ipsorumque vasorum, erit concipienda? at cur verò hîc potius, quàm in menstruo fluxu? Aut si fortè hîc quædam ratio privata est, certè mirum jure meritóque videbitur, non frequentius exulcerationes eâ parte oriri; quæ utique à cæcis hæmorrhoidibus frequentiores sunt, ob sanguinem extravasatum, atque adeò putrescentem, quàm ab apertis.

Nem-

Nempe, ut præter naturam accidit vasis mesaraicis illis, ob sanguinis motum fermentativum peculiarem, (velut item in fluxu menstruo contingit,) quòd oscula eatenus aperiuntur, ac valvulæ concidunt, ut sanguis profluat ad anum vel intestina, qui ordinariè motu contrario inde revehi solet; ita quoque accidit præternaturam, à sanguine, quasi per præcipitationem post fermentationem præternaturalem ad illas partes delapso, nec exitum inveniente, quòd oscula fortè pertinaciùs coarctentur, nec valvulæ cedant, oriri tumores. An verò exinde de naturali statu quid colligi potest? Certè menstruus ipse hæmorrhoidum fluxus, qui multis familiaris est, (ne dicam de fluxu sanguineo seu Hepatico vulgo dicto, citra tormina ac cruciatus, adeoque citra rosionem contingente,) non minùs evincit, vasorum oscula ad

interiora intestinorum aperta esse ;  
quàm hæmorrhoides cœcæ , seu tu-  
bercula illa conglomerata *Wepferi*  
arguere possint , illa oscula vasorum  
neque pervia esse , neque posse quid  
naturaliter ex intestinis admittere.  
Fieri utique potest , ut sanguis quasi  
critico conatu à natura propulsus ,  
per arteriolas capillares ad muscu-  
lum sphincterem vel intestina per-  
tingat , ibidemque extravasatus ,  
ac in ipsam partium substantiam  
effusus , conglomeratos ejusmodi  
globulos excitet. Quinimò , siquidem  
nihil omnino ex ordine naturæ con-  
sueto è venis in intestina dimanat ,  
præpedientibus valvulis , aut alio  
quopiam illis analogo , quamvis  
contrà eædem in intestina hiantes  
inde admittunt quod osculis pro-  
portionatum est ; fieri utique potest  
ut sanguis propulsus ad venarum  
extremitates , ibique subsistens ac  
morâ concreescens , ( quòd non illicò  
ad

ad primum affluxum remora valvularum tollatur, ) mox obstruat meatum, ficque exitu præpedito tumorem efficiat, initio quidem splendidiùs rubescentem, at postmodùm, sanguine diutiùs illic immoto hærente, ex atro rubescentem: Quid verò mirum, tali factâ obstructione, in tenui meatu, si vel deinde orificia aperiantur, vel vulnusculum infligatur hirudinibus admotis, non nisi quod tenue & aquosum existit extillare posse, nempe *sanguinem* duntaxat *serosum & pallidum*? (ut à *Wepfero* notatum;) ne aliam hoc loco, quam *Clariss. D. Paulli* affert, pag. 106. interpretationem nunc proferam. Hoc saltem moneo: Si cum *Clarissimo* hoc *Viro* debeamus pro rato habere, globulos illos conglomeratos, in vasis lymphaticis à lymphâ ibidem restagnante aut regurgitante, ortos fuisse, frustra colligi exinde,  
Vena;

Venarum mesaraicarum rubrarum oscula haud patere in intestinis; ut adeò nihil ex illo D. *Wepferi* exemplo concludi queat, quod venas mesaraicas ad intestina impenetrabiles esse confirmet. Sed plura præmitto. Nec verò nunc animus est, excutere alias nobilissimas materias, à Celeberrimo Viro in medium prolatas, ac plausibiliter ductas: ne videar fortè contradicendi studio potius hæc agere, quàm ut tuear ea, quæ mihi hæctenus verissima visa sunt. Ingenium certè felicissimum prodit Celeberrimus ille Vir, & studium acre in rem Anatomicam: quibus merito omnes boni favebunt. Hoc unum addo. Sententiam illius Eximii Viri cedro dignissimam meritò censeo, quam exprimit ipse in *Epistola præmissa Structuræ Renum Laur. Bellini*, pag 6. In Exercitio Anatomiae, si quid novi inveniat, *subjuncte omnino nudam reperti*



reperi thesauri exposuisse historiam, quâ occasione, & quomodo, & quæ quis observârit, ordine summoque studio annotâsse, atque aliis eadem eruendi & assequendi processum ac methodum tradidisse simplicissimam. Id Sylvio meo dictum existimo: Certè ii, qui nihil certum agnoscunt in rebus naturalibus, nisi id quod Sensibus externis apprehendunt; qui Rationem explodunt, Mentemque ceu malè sanam proscribunt; qui denique Suspicionibus, Opinionibus, Dubitationibus, merisque Conjecturis omnia involvunt, etiam ea quæ Ratio evidentissima discernit, ii, inquam, nequaquam idonei existunt, ut ferant judicium, de partium usu, vel rerum recens in re anatomica inventarum necessitate. Sed Sylvium in Sylva arente relinquo, dum Cadens Facensque expectant ardentem: quam unâ cùm mea Trutina Pietatis ac Probatis Sylviane rogatu Amicorum hætenus differo, dum spero

spero hominem rediturum aliquando ad mentem saniozem, ac Literariæ Reipublicæ navaturum potius nobiscum operam, quàm famæ & existimationi meliorum Virorum præinvidia proscindendæ calumniis suis atque impiis maledictis. Hic verò tandem facio finem, Epistolæ limites jam longè transgressus, materiâ ipsâ sic calamum ducente. Tu, Vir Excellentissime, ac Integerrime Amice, animitus salve, ac perpetuùm vale: ac si fortasse ita ferat occasio, Clarissimum Virum, D. D. *Paulli*, cui per Te, pectus integerrimum offero, candidamque amicitiam, cum gratiarum actione, pro tam honorifica mentione mei, aliquoties repetita, salvere plurimùm à me jube. Finiebam Groningæ, 24. Maij. Stylj Jul. 1665.

FINIS.

A 0 1 1460783